

ՄՈՎԱՆԵՍ ԵՐԷՑ ԳՈՐԻՍԵՑԻ ԳՐԶԻ ՁԵՌԱԳՐԱԿԱՆ ԺԱՌԱՆԳՈՒԹԻՒՆԸ (ԺԷ. Դար)

ԳԷՈՐԳ ՍՏԵՓԱՆԵԱՆ
sasun-07@mail.ru

Սիւնեաց լեոնաշխարհի հնաանդ ու հարուստ կենսագրութիւն ունեցող քնակավայրերից է Հարանդ գաւառի Ձագեծորի կամ Վարարակնի լեոնահովտի բարձրագիւր գոգատրութեան վրայ, Վարարակն գետակի վերին հոսանք՝ Քրմագետ կամ Վերիշէն՝ վտակի ճախալինեայ կանաչապատ ծորամիջում եւ բլրալանջին ընկած Հին Գորիս (տեղացիների կողմից Երի Շէն, Վերին Շէն անուանուած)² գիւղը՝ հնահիմք Գորայք-Գորես-Գորիս (Կյորես)ը, որի տարեգրութիւնը անխզելիօրէն կապուած է Սիւնեաց պատմութեան հետ եւ կազմում է նրա մի մասը³:

Սիւնիքը, Հայաստանի միա նահանգների նման, եղել է ռազմական բախումների թատերաբեմ՝ մեծապէս տուժելով նոստրոնների ասպատակութիւններից եւ աներիչ արշաւանքներից⁴: Այս ամէնով հանդերձ, Գորայք-Գորիս գիւղը հնարատրիս կարողացել է պահպանել իր գոյութիւնը եւ շարունակել ծաւալել ազգային մշակութակերտ գործունէութիւն՝ հետոց անտի հանդիսանալով Հարանդ գաւառի քաղաքակրթութեան բնօրրաններից: Հոգետր կեանքն ուղեկցուել է նիւթական մշակոյթի զարթոնքով, որին մեծապէս նպաստել է Հարանց կամ Սիւնեաց Մեծ Անապատի⁵ եւ տեղի կրթական գործի հիմնադիր, խորահմուտ հոգետրական Մովսէս Վրդ. Տաթեւացու⁶ 1613ին հիմնած դպրոցի ազգաշահ եւ աստուածահաճոյ գործունէութիւնը⁷: Սիւնեաց Մեծ Անապատի շնորհիւ սկզբնաւորուած հոգետր-մշակութային շարժումը, թոյր մենաստաններում եւ գրչակենտրոններում շարունակել են Տաթեւացու ականատր աշակերտներն ու գրիչները⁸, որոնք ծաւալել են բազմաբեղուն մշակութային գործունէութիւն:

Կրթամշակութային կեանքի այս վերելքի պայմաններում Գորայք-Գորիս գիւղի Ս. Գրիգորիս եւ Ս. Աստուածածին եկեղեցիներին կից հիմնուած ձեռագրատուն-դպրատներն⁹ իրենց ռաբունապետերով ու գիտնական վարդապետերով աստիճանաբար դառնում են Սիւնիքի ԺԷ. դարի աչքի ընկնող հոգետր-մշակութային կենտրոններ, որտեղ ուսուցանուել է նաեւ գրչութեան եւ մանրանկարչութեան արուեստ: Այստեղ էին գործում ժամանակի նշանատր եւ անխոնջ գրիչներ, Հարանց Անապատի ճգնակեաց Բարսեղ Երէջը, որին Դարիժեցին բնութագրում է որպէս «ընկիր եւ տաքինագործ աբեղա»¹⁰, Պետրոս քահանայի որդիներ՝ Յակոբ եւ Սարգիս քահանաները, Յովհաննէս Երէջը, շնորհագարդ գրիչ-ծաղկողներ Յովհաննէս Աբեղան եւ Մովսէս երէց Գորիսեցին, ովքեր քրիստոնէական կրօնի վարդապետութիւնն ուսուցանելուն զուգահեռ իրենց մեծ ու փոքր գործերով եռանդուն կերպով ծառայել են նաեւ ժողովրդի գրատր մշակոյթի ստեղծմանը¹¹:

Գորայք-Գորիս գիտի գրիչների ձեռագրական ժառանգությունը հնարատրինա ամբողջական դարձնելու նպատակով սույն յօդուածում պիտի անդրադառնանք նաեւ հայրենի եզերքից դուրս գրչագրուած մատենաներին, որոնք թէւ ոչ-անմիջականօրէն, բայց իրենց ստեղծման պատմութեամբ կապուած են Գորայք-Գորիսի հետ: Այս առումով յատկապէս ակնառու է ժամանակի հոչակատոր եւ արդիւնաշատ ծաղկող-գրիչներից Մովսէս Երեց Գորիսեցու գործունէութիւնը:

ԿԵԱՆՔԸ

Երբ է ծնուել է Մովսէս Երեցը՝ չգիտենք, սակայն յայտնի է նրա ծննդեան վայրը՝ Գորիսը: Հաւանական է, որ սերել է քահանայ գրիչների տոհմից: Մաշտոցեան Մատենադարանում (ՄՄ) պահուող Հ⁴⁰ 8135 «Աւետարան»ում նրա թողած յիշատակարանում կարդում ենք. «Որ եմ բնական ի յերկրի, Ձագածորոյն ի Գորիսի»¹²:

Ցաջորդ կենսագրական տուեալը հաղորդում է հենց ինքը՝ Մովսէսը, Ապահէն¹³ գիտի դպրատանը 1652ին գրչագրած եւ ծաղկած «Շարակնոց»ի յիշատակարանում, նշելով որ Դադիվանքի եւ Հայրավանքի (Մարդադոնեաց) առաջնորդ Ստեփաննոս արքեպիսկոպոսի օրօք ընդունել է հոգեւոր կոչում՝ ձեռնադրուելով երէց¹⁴:

Մովսէսը այն բազմաշնորհ արուեստագէտներից է, ովքեր հմտօրէն տիրապետել են թէ՛ գրչութեան, թէ՛ ծաղկելու եւ թէ՛ կազմելու արուեստին: Նրա մանրանկարչական եւ զարդանկարչական արուեստն արժանի է առանձին ուշադրութեան, քանզի նրա վրձնած նկարազարդումներից (աւետարանիչների պատկերներ, կիսախորաններ, անուանաթերթեր, զարդագրեր, լուսանցազարդեր են...) շատերը թեմատիկ առումով ունեն ինքնատիպ մօտեցում, գունային իլորինակ լուծում, իւրաքանչիւր մանրանկարին ցուցաբերուած է ինչպէս ոճական, այնպէս եւ պատկերագրական անհատական մօտեցում: Հաստատապէս կարող ենք ասել, որ Մովսէսն իր շօշափելի ներդրումն ունի Հաբանդ գաւառի գրչութեան եւ մանրանկարչութեան ձեւաւորման ու զարգացման գործում, յատկապէս իր գործով օրինակ ծառայելով իր աշակերտներին:

Ուշագրաւ է, որ իր գրչագրած եւ ծաղկած ձեռագրերի յիշատակարաններում նա ամէնից քիչ իր մասին է յիշում, այն էլ միայն նոսաստացնող մակդիրով, նոյնիսկ, երբ գեղեցկօրէն է գրչագրել ու ծաղկել մատենար: Օրինակ, Մարտիրոս Խնձորեակցի գրչի 1653/54ին ընդօրինակած «Աւետարան»ը ծաղկած եւ կազմած Մովսէսի ինքնագիր յիշատակարանում ասում է. «Ձսակաւ ծրօղ բանիս զՄովսէս զանպիւրան էրէցս...»¹⁵:

Մովսէս Երեցը չի ունեցել գործունէութեան հիմնական վայր: Ըստ իր ընդօրինակած, ծաղկած, վերանորոգած եւ կազմած ձեռագրերի յիշատակարանների՝ նա հիմնականում գործել է Տաթեւ, Ապահէն, Մոս, Տանձատափ եւ այլ գիւղերի գրչութեան դպրոցներում: Դժբախտաբար, անխոնջ

գրչի՝ ձննդավայրում ընդօրինակած, ծաղկած եւ կազմած ձեռագրերից մեզ ոչինչ չի հասել: Բացառուած չէ, սակայն, որ միքանի բեկորներ պատահիկների կամ պատահիկ-պահպանակների տեսքով պահպանուած լինեն:

Ընդհանրապէս, յայտնի իրողութիւն է, որ հայ միջնադարեան հոգեւոր-մշակութային կենտրոնների գործունէութիւնը յաճախ դադարում էր ասպատակութիւնների ու պատերազմների հետեանքով: Դրանք իրենց հետ բերում էին նաեւ նիւթական ու հոգեւոր արժէքների ոչնչացում, ձեռագրական ժառանգութեան հսկայական կորուստներ եւս.: Այս առումով բացառութիւն չէր նաեւ Գորայք-Գորիս գրչութեան կենտրոնը:

Թէէն Հայաստանի համար մեծ աղէտներ պատճառած թուրք-իրանական տեսական պատերազմներն աւարտուեցին 1639ի Մայիսի 17ին Կասրէ Շիրիի պայմանագրով, սակայն հալածանքները չդադարեցին ու շարունակուեցին նաեւ Շահ-Աբբաս Բ.ի (1642-66) շրջանում: Այս դէպքերն իրենց արտացոլումն են գտել հայերէն ձեռագրերի յիշատակարաններում: Գորայք-Գորիս գիտի բազմբախտ գրիչներն իրենց ընդօրինակած մատեանների յիշատակարաններում լրացնելով մէկը միայն, պարտք են համարել արժէքաւոր եւ հասաստի տեղեկութիւններ հաղորդել ձննդավայրում 1640ականների սկզբներին պարսից իշխանութիւնների գործած վայրագութիւնների՝ գիտի աւերման, կողոպտուի եւ տեղահանուած բնակչութեան՝ Արցախի Ծար գաւառի տարբեր վայրեր հարկադրական գաղթի մասին: Եւ իրօք, հարեան Արցախ հայաշխարհն այն գլխաւոր վայրն էր, ուր պատսպարուելու եւ պաշտպանուելու յոյսով դիմում էին Գորայք-Գորիսի տարագրեալ գիւղացիները: Այդուհանդերձ, մաքառումներով լի այդ ժամանակաշրջանում եւս, գորիսեցի գրիչներն անգամ բնօրրանից հեռու, բազմաթիւ զրկանքներ կրելով, շարունակել են ձեռագրերի ընդօրինակման գործը՝ յիշատակարաններում հայրենասիրական բոտն տեսնով մատաննջելով իրենց ձննդավայրը՝ «ի գեղջէն Գորիսը»¹⁶:

Տաւօք, 1650ականների կէսերին յաջորդող ժամանակները Մովսէս երէց Գորիսեցու կենսագրութեան առաւել մուօ շրջանն են, քանի որ յիշատակարաններն այդ մասին լռում են: Պահպանուած սկզբնաղբիւրային տեղեկութիւններն արձանագրում են, որ փոքրիշատէ խաղաղութիւն հաստատուելուց յետոյ, տարբեր վայրերում հանգրուանած գորիսեցիները վերադարձել են հայրենի եզերք՝ Ձագեծորի հովիտ եւ շէնացրել աւերուած եւ թալանուած հնամենի բնօրրանը: Գիւղն աստիճանաբար ամրապնդում եւ հզօրանում էր՝ դառնալով «ձանկազուրու գաւառ»ի՝ Տաթևի վանքին հարկատու շէն ու գլխաւոր բնակավայրերից մէկը¹⁷: Հարազատ գիւղ են վերադառնում նաեւ գրիչները. վերստին կեանք են ստանում ամայացած գրչատները: Վերընծիւղում է ձեռագրերի ընդօրինակման եւ նկարազարդման աստուածահաճոյ արուեստը:

Անհրաժեշտ ենք համարում անդրադառնալ մի հարցի, որը կարեւոր նշանակութիւն ունի ինչպէս տեղահանուածների հարազատ գիւղ վերա-

դառնալու ժամանակը ճշտելու, այնպես էլ Մովսեսի յետագայ գործունեությունը բացայայտելու տեսանկյունից: Մովսեսը, հաասնաբար Տաթևի վանքում, 1658ին զարդանախշել է կազմել է գրիչ Մինաս Աբեղայ Խոտանանցու Տաթևի վանքում 1657ին ընդօրինակած «Աւետարան»ը¹⁸: Մատենի բուն յիշատակարանում Մովսեսը չի թողել որևէ յիշատակություն, փոխարենը իր պատկերած Մատթեոս ավետարանչի մանրանկարի տակ թողել է հետեւեալ փոքրիկ գրությունը. «*Ձեկարող սակաւ ծաղկանցս զՄովսէս յեղեոնագործս փարիսեցի, յիշել աղաչեմ ի Տէր. գլխշողղը՝ յիշեալ լիջիք զՏեանէ Աստուծոյ. թվ. ՌՃԷ (1658)*»¹⁹: Պատմական այս իրողությունը հաստատապես յուշում է, որ տեղահանուածների տակաւ վերադարձը Գորիս տեղի է ունեցել 1650ականների կեսերից:

Հ. Ղեւոնդ Ալիշանի *Միսական* աշխատության մէջ տեղ գտած մի տեղեկության համաձայն՝ Մովսէս Երեցը Տանձատափ գիւղում 1682ին սեղմ յիշատակարան է թողել նաեւ մէկ այլ «Աւետարան»ում. «*Յեր սակաւ ամաց (1682) Մօսէս երէց Գորիսեցի գրէ յայլում Աւետարանի սակաւապող յիշատակարան ինչ ի Տանապափ գեղջ, որ է Տանձապափին*»²⁰: Սա բազմաշխատ գրիչ-ձաղկող Մովսէս Երեցի՝ առայժմ մեզ յայտնի վերջին կենսագրական տուեալն է:

ԳՐԶԱԿԱՆ ԺԱՌԱՆԳՈՒԹԻՒՆԸ

Մովսէս Երեցից մեզ յայտնի ձեռագրական առաջին աշխատանքը թուագրում է 1647ով: Ծար գաւառի Սոթթ (Սողթ)²¹ իշխանանիստ նշանատր բնակավայրի Ս. Աստուածածին եկեղեցում (կոց. 1276)²² Մովսէսը «*սրբամիտ, հեզահոգի եւ բարեյի*» մահտեսի Երեմիա²³ միայնակեացի խնդրանքով ի յիշատակ վերջինիս ծնողներ Ապալինի եւ Սալվինագի, 1647ին նորոգում է ոմն Խոնտքարի պատուէրով 1490ին Ալեքսիանոս Աբեղայի՝ Գարդմանքի Խորոտիք վանքում գրչագրած «Աւետարան»ը (թերթ՝ 324, գրությունը՝ երկսիւն, բոլորգիր, փող՝ 20, մանրանկարչությունը՝ ավետարանիչ 4: Պահպանակ՝ մագաղաթ 4, կազմը՝ կաշեպար փախտակ դրոշմագարդ՝ խաչով, կոստրապար, աստաղը՝ դրոշմագարդ կրաւր²⁴:

Բնագրի վերջում ազդարարելով ձեռագրի նորոգման ւարտի մասին, Մովսէսը յիշատակարանում թողել է բանաստեղծական ջերմ շնչով գրուած 44 տողից բաղկացած մի չափածոյ, որում իր ծննդավայրը մատնանշում է ներկայիս՝ Գորիս գրեթէմեռով: Ահա չափածոյի այդ հատուածը.

*Նորոգեցաւ յայսըմ փառի,
Եւ ի գանձի աստուածային,
Որ յորջորջեալ ելլս կոչի,
Աւետարան րեստն Յիսուսի:
Ձեռամբ փծուն մեղսամածի,
Եւ ի չընչին բարփոջարի,
Եւ լոկ անուամբըն յիրիցովի,
Մովսէս փրոպ գանարժանի:*

*Որ եմ բնական ի յերկրի,
Ձագածորոյն ի Գորիսի,
Եւ եմ բնակեալ յօրարեկեղի²⁵,
Եւ ի յերկիրըն Ծարայի:
Մայրաքաղաքըն²⁶ Սոթթի,
Չի եմ ծառայ Աբ. Մաշտոցի,
Է կապարող խընդըրուածի,
Եւ հովանի ամէն րեղի²⁷:*

Վերը նշեցինք, որ Գորայք-Գորիսի տեղահանումած բնակչությունը բռնել էր նաև մտակալ Արցախ տանող ճանապարհը: Լեռնաշխարհի Ապաւեն գիւղում ապաստանելը հանգամանօրէն, յուզական գրաւիչ շեշտերով ու խոր կսկիծով է նկարագրում Մովսէսը, այս անգամ արդէն 1652ին Ապաւեն գիւղի դպրատանը համաչափ ու մանր բոլորգրով ընդօրինակած, ծաղկած եւ միաժամանակ կազմած «Շարակնոց»ի (թերթ՝ 406, նիւթը՝ թուղթ, մեծութիւնը՝ 12,2x9, գրութիւնը՝ միասին, փողերի քանակը՝ 19-20, կազմը՝ կաշեպար փախտակ դրոշմազարդ, աստուղ՝ դրոշմազարդ կրտս, մանրանկարչութիւնը՝ կիսախորան, կազմը՝ կաշեպար սրուարաթուղթ՝ մեկտողնայ խաչով)²⁸ գլխատր եւ ընդարձակ յիշատակարանում, որում փաստացի տեղեկութիւններ են հաղորդում ժամանակի իրադարձութիւնների, մասնաւորապէս՝ Գորայք-Գորիսին պարսից իշխանութիւնների կողմից պատուհասած աղէտի մասին:



Ծար գառտի Սոթք մայրաքաղաքում 1647ին Մովսէս Երեցի նորոգած «Աւետարան»ի (1490) կազմի Ա. փեղկ Մովսէս Երեցի ինքնագիր ձեռագիր յիշատակարանը (321բ-322ա), ՄՄ, ձեռ. ՀԿ՝ 8135

Թախծով լեցուն եւ խորունկ վշտով է գրուած հեղինակի հայրենի գիւղի աւերման ու գաղթի նկարագրութիւնը: Ստորեւ կը մէջբերենք այդ յիշատակարանի պատմական մասից ընդարձակ եւ պերճախօս հատուած, որն իր բնոյթով միակ սկզբնաղբիւրն է այս իրադարձութեան մասին: Դանախով գրչութեան հանգամանքներին՝ Մովսէսը մանրամասնում է.

Արդ՝ գրեցաւ եղանակատր տառս ձեռամբ մեղապարտ Մովսէս ստատանոն իրիցոյ, որ եմք բնական ի յերկրէն Ղափանայ, ի միա երկրէն Ծագածորոյ, ի գեղջէն Գորիսոյ, զոր հասեալ քարկութիւնն Աստուծոյ ի վերայ մեր մեղացս. խօճայ մի եկեալ ի մեր գեօղն վասն զապրիշում [մետաքս - Գ. Ս.] առնելոյ, եւ ստատանայ բնակեալ ի սիրտ խօճային ոչ կամեցաւ մալն ի Գորեսն, այլ ելեալ գեաց դէպի երկիրն Դիզակայ. եւ առաջնորդ եղեալ նմա մարդ մի այլ Դիզակայ: Եւ ի ճանապարհին ըմբռնեալ եղեն յաազակաց, եւ առեալ ի նո[ց]անէ բազում ոսկի եւ արծաթ, զոր ունէին յինքանս /// մակին եւ զիտեանքն սպաննեալ եղեն յաազակացն եւ թաքուցեալ: Եւ շատ շրջեալ ընդանեացն իտեանց եւ այլոց, ոչ կարացին յիմանալ զտեղին: Եւ ի նոցին պատճառէ եկեալ դիմեցին ի վերայ մեր եւ ասացին. հայք եւ // տաճիկք, եթէ ի յայսմ գեղջէ է գնացեալ խօճայն: Եւ ի յաիէ նոցին փախըստեայ եղեալ՝ գնացաք յայլ յերկիր. եւ զյետամնացս գեղին զունն ի գեօղն թալանեցին եւ զունն ի ճանապարհին: Եւ ես՝ թաքօրս ի բարեաց գործոց, եկեալ հասա իյերկիրն Ծարայ, ի գեօղն որ կոչի Ապաւեն²⁹:



Շար գաառի Ապահն գիտում Մովսես Երեցի ընդօրինակած եւ ծաղկած «Շարակնոց»ը (1652), կազմ՝ Ափերկ Կիսայտրանանունաթերթ (3ա): ՄՄ, ձեռ. Հ⁵¹ 1626

Յիշատակարանը հետաքրքիր եւ ստոյգ բացատրութիւն է տալիս Գոռայք-Գորիսում տեղի ունեցած մի աղէտալի իրադարձութեան լուսաբանման համար: Ձեռագրի բովանդակութիւնից հետեւում է, որ Դիզակ տանող ճանապարհին թուրք աազակների կողմից ոմն վաճառական կամ էլ մահմետական պալատական պաշտօնեայ մի խոջայի սպանութեան առիթով, պարսից իշխանութիւնները, պատճառ բերելով այն անհեթեթ փաստարկը, որ եթէ խոջան Գորիսից է գնացել, ուրեմն մեղաւորը գորիսեցիներն են, ձեռնարկում են պատժիչ տմարդի գործողութիւններ՝ աազակային յարձակման համար անհարկի կերպով վրէժ լուծելով Գորիսի խաղաղ ու անպաշտպան բնակչութիւնից: Ոչնչացման սպանալիքի տակ բնակչութեան գրեթէ զգալի մասն՝ «ի յահէ նոցին» հարկադրաբար հեռանում է իր բնօրանից եւ հետապնդումներից խուսափելու համար ժամանակաւորապէս հանգրոանում մօտակայ կամ հեռակայ գաւառների բնակավայրերում, իսկ գիտը ենթարկում է թալանի ու աւերման:

«Շարակնոց»ի յիշատակարանում գրիչը երախտիքի խօսքեր է նուիրել Դադիվանքի (Խութավանք) եւ Հայրավանքի առաջնորդ Ստեփաննոս արքեպիսկոպոսին, որը մեծ աւանդ է ունեցել Մովսես Երեցի հոգեւոր-կրթական դաստիարակութեան հարցում: Ինչպէս ասում է յիշատակարանում. «Աստուած գիւրանն արքայութիւն փացէ եւ լընդ սբ. հայրապետացն դասեսցէ, որ սա ձեռնադրեաց լանայրժանս, ես առաւել շար աշխատանք ունի ի վերայ իմ հոգեւոր, այլ եւ մարմնաւոր Աստուած գինքն անփորձ եւ անսասան պահեսցէ մինչ ի խորին ծերութիւն»³⁰: Այս յիշատակարանը Մովսէսը գրել է «ի ժամանակս Պարսից նորընծայ Փոքր ՇահԱպասին, եւ ի հայրապետութեանն Էջմիածնեայ] հեզահոզի փէր Փիլիպպոսի բազմահանճար եւ սրբազան կաթողիկոսի, եւ ի յԱղոանից հայրապետութիւն Գրիգորի քաջ եւ արի կաթողիկոսի, եւ յառաջնորդութեանն ի յայսմ ուխտի ի փէր Ստեփաննոս արքեպիսկոպոսի, որ է սպասաւոր եւ ժրածան հովիւ ի սբ. Դադի վանիցն եւ Մարդաղաւնեաց Ս. Նշանին... Ի թուականութեանս Հայոց ՌՃԱ (1652) գրեցաւ, ծաղկեցաւ եւ կազմեցաւ եղանակաւոր փառս ձեռամբ...»³¹ (շարունակութիւնը բացակայում է):

ՄԱՆՐԱՆԿԱՐՉԱԿԱՆ ԺԱՌԱՆԳՈՒԹԻՒՆԸ

Մեծ արուեստագետի յատկություն է նկարի, գոյնի, գրություն ու գրանիթի ներդաշնակ միասնություն ստեղծելը: Այդպիսին է Մովսէս Երեցը: Այդ ցոյց է տալիս վերոնշյալ «Շարակնոց»ը, որը նրա ծաղկազարդած արժէքատր եւ բարձրարուեստ գործերից եւ մանրանկարչական յարդարանքի հարստութեամբ հայ գրքարուեստի բացառիկ նմուշներից է: Նրանում ծաղկողը թեմատիկ մանրանկարներին՝ Յովակիմ եւ Աննա (1բ), Յարութիւն (161բ), կիսախորան (2ա, 162ա), գլխազարդ (13ա, 68բ, 130ա, 213ա, 266բ, 349ա), լուսանցազարդ (բուսական, յուշկապարիկ, տաճար, սպիտր, խաչ), զարդագրութիւն (թռչնագիր եւ հանգուցագիր) տուել է պատկերագրական մի շարք հնքնատիպ լուծումներ³²:

Մատենի մանրանկարները Մովսէս Երեցի արուեստին, ոճին ու պատկերագրութեանը բնորոշ նմուշներ են: Ինչպէս, օրինակ, «Աւետման» տեսարանում թեատարած հրեշտակը ծառի կոճղի մօտ գտնուող երկու հաւատացեալներին յայտնում է երկնքից՝ Աստծոյ խօսքը հասցնելով վերջիններին: Կոճղի վրայ պատկերուած են կաքաւի երեք ձագեր, որոնք համարում են առաքինութեան խորհրդանիշներ: Մի քիչ վերետում երետում է դէպի ներքե թռչող մոխրագոյն կաքաւ՝ բերանին ձագերի համար սնունդ: Մանրանկարը ներառուած է կարմիր գոյնով ներկուած շրջանակի մէջ:

Յայտնի է, որ մանրանկարչութեան հմայքը նրա գոյների մէջ է: Մովսէս Երեցի ստեղծագործութիւնում գերակշռում են վառ կանաչ եւ կարմիր, կապոյտ, մանուշակագոյն, դեղին, շականակագոյն, սեւ, սպիտակ գոյները: Գունային այս համադրութիւնն առանձնայատուկ հմայք է հաղորդում նաեւ սոյն մատենին: Գունային գեղեցիկ համադրումներով են առանձնանում «անուանաթերթ», «ճակատազարդ» եւ «Համբարձում» մանրանկարները: Ձեռագիրն ունի բազմաթիւ լուսանցազարդեր: Ուշագրաւ են զարդանկարչութեան պատկերները՝ սիրամարգ, տաճար, ծաղիկ, խաչ՝ զարդանախշի վրայ, կենդանի են.³³: Այս ձեռագիրը, որը վկայում է Մովսէսի բազմաշնորհ արուեստագէտ լինելու մասին, իրաւամբ կարող է համարուել նրա գլուխգործոցը:

Մովսէսը գեղեցիկ ու ճաշակով է պատկերազարդել, կազմել, փեղկին մետաղեայ ակնակոտ խաչ դրել նաեւ Մոս գիւղում Արցախի Ջրաբերդ գաւառի Մաղաւուզ գիւղից այդտեղ հաստատուած նորընծայ Թադեոս Քինյ. Բաղիշեցու պատուերով՝ որպէս բարի յիշատակ իրեն ու ծնողների, 1653/54ին Հաբանդ գաւառի հնձորեսկ գիւղից գրիչ Մարտիրոս դպիրի վայելույ ու մանր բոլորգրով ընդօրինակուած «Աւետարան»ը (թերթ՝ 353, նիւթը՝ թուղթ, մեծութիւնը՝ 16x11,5, գրութիւնը՝ երկսիւն, բոլորգիր, փողերի քանակը՝ 19, մանրանկարչութիւնը՝ անսպարանիչ 4, կիսախորան լուսանցազարդ, կազմը՝ կաշնկապ սրուարաթուղթ դրոշմազարդ, արծաթեայ խաչով, ասպառը՝ դրոշմազարդ կտրաւ)³⁴:

Մատենի թեմատիկ նկարներն են Մատթեոս (8բ), Մարկոս (106բ), Դուկաս (169բ), Յովհաննէս (270բ) անտարանիչները, ունի անուանաթերթ-կիսախորան (9ա, 107ա, 170ա, 271ա)³⁵, լուսանցազարդ (բուսական, թռչուն, տաճար, խաչ), զարդագրություն (մարդագիր, կենդանագիր, թռչնագիր, հանգուցագիր)։ գոյները՝ դեղին, կանաչ, կապոյտ, մանուշակագոյն, սպիտակ³⁶։ Ձեռագրի յիշատակարանում Մովսէլը նշում է.

Յայսմ աստուածաշուջ տաոիս ցանկացող եղեալ ի հոգոյն սրբոյ եռացեալ սիրասնունդ եւ սրբամիտ ողջախոհ եւ սրբասնեալ տէր Թաղէոս Նորընծայ քահանայն, որ եւ երբեր ետ զիս զանարժանս զհեքքս եւ զթշուառս զնուաստ անուն Մովսէս տրոպ եւեթ իրիցուկս եւ ես թաբուրս ի թարեաց գործոց մեղսամած մատամբս եւ կազմեցի զսուրբ Աւետարանս եւ զսակաւ յիշատակարանս ծրագրեցի³⁷։

Մովսէս Երէցի պատկերազարդած յաջորդ ձեռագիրը մատենագիր Գրիգոր Յերենց խլաթեցու խմբագրած եւ գրիչ Շմատոն երէցի ընդօրինակած Յայսմաւորքն է (1660)³⁸։ Ստացող՝ Պաղտասար Թութաք (թերթ՝ 577, մեծութիւնը՝ 38x24,5, գրութիւնը՝ երկսիւն, բոլորգիր, փողերի քանակը՝ 34, կազմը՝ լաթապապ սրուարաթուղթ, մանրանկարչութիւնը՝ կիսախորան, լուսանցազարդ)³⁹։ Թեմատիկ նկարներ՝ իւլաբեր կանայք եւ Գրիգոր Լուսաւորիչի դիմանկարը, կայ անուանաթերթ-կիսախորան, զլիսագարդ, լուսանցազարդ (բուսական, թռչուն), զարդագրութիւն (թռչնագիր, հանգուցագիր)։ գոյները՝ ոսկի, կարմիր, կանաչ, նարնջագոյն, մանուշակագոյն, կապոյտ, շագանակագոյն, սեւ, սպիտակ⁴⁰։

Ձեռագրի բուն յիշատակարանում Մովսէս Երեցը, ինչպէս նախորդ դէպքում, չի թողել որեւէ յիշատակութիւն, փոխարէնը իր պատկերած «իւլաբեր կանայք» մանրանկարի տակ թողել է մի փոքրիկ գրութիւն. «*Ձեկարող սակաւ ծաղկանցս եւ պարկերացս զՄովսէս յեղեռնագործ իրիցուկս աղաչեմ յիշել ի փէր միով ողորմիս. զյիշողքդ յիշեալ լիջիք զփէր Աստուծոյ, թօին ՌՃԹ (1660)*»⁴¹։

Մովսէս Երեցից պահպանուել է նաեւ մի գրչագրուած Յայսմաւորք (ԺԷ դ.)⁴²։ Այն, որ ձեռագիրը Մովսէսի ձեռքի աշխատանքն է՝ հաստատուում է գրչի եւ նկարների ոճական նմանութեամբ։ Մատենը ունի զլիսագարդ, լուսանցազարդ (բուսական, տաճար, թռչուն), զարդագրութիւն (հանգուցագիր, թռչնագիր)։ գոյները՝ մանուշակագոյն, կապոյտ⁴³։ Ձեռագրի յիշատակարանում կարդում ենք. «*Ողորմի Քրիստոս սրացողի գրոցս Ինքնատ քահանային մահոյսուն եւ կողակցին իւրոյ Մինային եւ եղկեմի Մովսէս գծողի, ամէն։ ...եւ Մովսէս մեղսամակարդ գրչի ամէն*»⁴⁴։

Հ. Ղեւոնդ Ալիշանի *Միսական* աշխատութեան մէջ Մովսէս Երեցին վերագրուող «Աւետարան»ի յիշատակարանի բովանդակութիւնը քանի որ անյայտ է մեզ, ուստի Ալիշանի տեղեկութիւնից միանշանակ չի կարելի հետեւեցնել, որ մատենի հեղինակը Մովսէս Երեցն է։ Սինիքում գրչագրուած եւ մեզ հասած ձեռագիր յիշատակարանների ընթերցումը եւս որեւէ

վկայութիւն եւ հաստատուն հիմք չտուեց մատեանն անբողոքութեամբ Մովսէս Երեցին վերագրելու, թէւ *Հայաստանի եւ Յարակից Ճրջանների Տեղանունների Քառարանի* հեղինակները անվերապահօրէն նրան են համարում ձեռագրի հեղինակ⁶⁵: Ամենեւին չժխտելով գրչի՝ գուցէւ Մովսէսին լինելու փաստը, արձանագրենք, որ որպէս արուեստաւոր գրիչ-մանրանկարիչ վերջինիս մասնակցութիւնն այս ձեռագրում անկասկած արտայայտուել է նկարազարդմամբ, թերեւս նաեւ նորոգմամբ եւ կազմամբ:

ԵՃՐԱԿԱՅՈՒԹԻՒՆ

Այսպիսով, Մովսէս Երեցի ձեռագրական ժառանգութեան մեզ յայտնի առաջին մատեանը բուսագրում է 1647ով, իսկ վերջինը՝ 1682ով: Յիշատակարանների ժխտ տեղեկութիւնների պատճառով չենք կարող ասել, թէ ինչպէս է ընթացել բազմաշնորհ գրիչ-ձաղկողի յետագայ ճակատագիրը եւ երբ է կնքել իր մահկանացուն:

Յիրաւի, Մովսէս Երեց Գորիսեցին դասում է իր ժամանակի Սինիքի մեծագոյն գրիչ-ձաղկողների շարքին. նա շարունակեց իր նախորդների՝ Տաթեւի վանքի ԺԷ. դարասկզբի նշանաւոր գրիչ-ձաղկողներ՝ Մագման մականուամբ Տէր Սարգսի եւ վարպետաց վարպետ Տէր Մարտիրոս Հիզանցու գրչագրական եւ մանրանկարչական ասանդոյթները⁶⁶: Իր ընդօրինակութիւններով եւ բարձրարուեստ զարդանկարչութեամբ, նա մեծ աասնդ ունի հայ մշակութային ժառանգութեան մէջ:

ԾԱՆՕԹԱԳՐՈՒԹԻՒՆՆԵՐ

¹ Քրմագետ կամ Վերիշէն վտակը Վարարակնի ձախ օժանդակն է: Սկիզբ է առնում Աղօթաքարի լեռնանցքի Քոռ աղբիւրից եւ Վերիշէն գիտի մօտ միախառնում մայր գետին: Երկարութիւնը 5 կմ. է (*Հայաստանի Հանրապետութեան Ֆիզիկաաշխարհագրական Օրբէկրների Համառօտ Տեղեկագրու-Քառարան*, Երեւան, Գեղղէվիայի եւ Քարտեզագրութեան Կենտրոն ՊՈԱԿ, 2007, էջ 135):

² Համապատասխանում է ներկայիս Վերիշէն գիւղին, որը գրեթէ միացել է Գորիս քաղաքին: 2016 Սեպտեմբերից մտնում է Գորիս համայնքի մէջ:

³ Մատենագրական աղբիւրներում մինչեւ Ժ. դարը ըստ էութեան չարտացոլուած Գորայք բնակավայրը 10 դրամ-դահեկան հարկաչափով առաջին անգամ յիշատակում է Ստեփաննոս Օրբէլեանի *Պատմութիւն Տանն Սիսական* երկի վերջում «Սինեաց երկուտասան Գաւառաց Հարկք Եկեղեցոյ Ըստ Հին Սահմանին» (գլ. ՀԳ) Տաթեւի արքեպիսկոպոսարանին հարկատու գիւղերի ցանկում (Մեծնոպ Մաշտոցի Անուան Հին Ձեռագրերի Ինստիտուտ-Մատենադարան (ՄՄ), ձեռ. Հ՞՞ 6271, 335բ: Հմտ.՝ Սկրտիչ Էմին, *Սրբեմաննոսի Սինեաց Եպիսկոպոսի Պատմութիւն Տանն Սիսական*, Մոսկուա, Տպ. Լազարեան Ճեմարանի Արեւելեան Լեզուաց, 1861, էջ 375: Տեղին է նշենք, որ պատմագիտութեան մէջ վաղուց հաստատուած է, որ Օրբէլեանի հարկացուցակը կազմուել է Ժ. դարից ոչ ուշ, քանի որ նրանում Սինիքի բոլոր գիւղերը եւ նրանց սահմանները ներկայացուած են այդ ժամանակների դրութեամբ՝ «ըստ հին սահմանին» (Ս. Յակոբեան, *Հայ Գիւ-*

ղացիության Պարմուտին (Վաղ Ֆեոդոլայիզմի Դարաշրջան), Գիրք Ա, Երևան, ՀՍՄԻ ԳԱ Հրատ., 1957, էջ 323. նաև՝ Յ. Ութնագեան, Միևիջը IX-X Դարերում, Երևան, ԵՊՀ Հրատ., 1958, էջ 233-4): Հարկացուցակի մանրամասն քննությունը տե՛ս՝ Գ. Գրիգորեան, «Դրամական Յարաբերությունների Զարգացումը Միևիջում և Օրբէլեանի Հարկացուցակի Խնդիրը», *Լրաբեր Հասարակական Գիտությունների*, 1966:2, էջ 45-58:

⁴ Մանրամասն տե՛ս՝ Հ. Նաչարեան, *Թուրք-Իրանական Յարաբերությունները XVI դ. ու XVII դ. Ուաջին Կելին և Հայաստանը*, Երևան, ԵՊՀ Հրատ., 1961. նաև՝ Մ. Մալխասեան, «1606-1609 թթ. Մեծ Սովը Հայաստանում», *Բանբեր Երեանի Համալսարանի. Հայագիտություն*, 2017:2, էջ 48-59:

⁵ Գտնում է կրօնամշակութային կենտրոն՝ Տաթևի վանքին մերձակա, ինչ Հալի-ձոր գիղի դիմաց, Որոտան գետի աջ ափին: Կառուցուել է 1608-13ին:

⁶ 1629-32 կաթողիկոս Մովսէս Գ. Տաթևացի:

⁷ Մանրամասն տե՛ս՝ Ներսես Ակիսեան, *Մովսէս Գ. Տաթևացի. Հայոց Կաթողիկոս և Իր Ժամանակը*, Վիեննա, 1936, էջ 187-223:

⁸ Գրիգոր Վարդապետ, Եսայի Վրդ. Մեղրեցի, Զաքարիա Վաղարշապատցի, Իսրայել Վրդ. Մեղրեցի, Խաչատուր Գրիչ, Խաչատուր Վրդ. Երնջակեցի, Ղուկաս Գրիչ, Ղուկաս Վրդ. Գառնեցի, Մելիքսեթ Երեց, Մինաս Երեց, Յակոբ Վրդ. Աստապատեցի, Յովիաննես Արեղայ, Յովիաննես Արք. Տաթևացի, Ռուտակես կամ Արիստակես Վրդ. Շամբեցի, Փիլիպոս Աղբակեցի են. (Ակիսեան, էջ 192-7, 213-23):

⁹ Վիճազարական տոնախնդրով ձեռագրատները զանազան անուններ են ունեցել՝ գրատուն, նշխարատուն, նշխարախոս (Յ. Խալիպախեան, «Գալոցներն Ու Գրատները Միջնադարեան Հայաստանում», *Էջմիածին*, 1964:Ա, էջ 25):

¹⁰ Դավրիժեցի, էջ 225:

¹¹ Տեղին է նշենք, որ Հարանդ գաւառում գրիչների կողքին ձեռագիր մատենների ընթրինակմամբ այցի են ընկել նաև գրչուհիները: Նրանցից էր ԺԷ. երկրորդ դարակելին ստեղծագործած ըյրլ էրինէն, որը Շինուհայրի Կուսանաց Անապատում 1673ին արտագրել է «Ատենի ժամգիրք»ը (Վ. Պետրոսեանց, «Հայրենական Մշակոյթի Պաշտպան Հայ Կանայք», *Էջմիածին*, 1981:Ժ, էջ 49):

¹² ՄՄ, ձեռ. Հ⁴ 8135, 321բ:

¹³ Ապահէն (այժմ՝ լքեայ) գիղը գտնում է Արցախի Հանրապետության Շահումեանի շրջանի հարավային մասում, Եզնարածանց գիղից 4 կմ հիսիս-արեւմուտք՝ Դուտլուս գետի ստորին հոսանքի ծախ ձորալանջին: Բնակավայրն առաջին անգամ յիշատակում է 1214ին՝ Դաղիվանքի շինարարական արձանագրութան մէջ: Եղել է Դաղիվանք-Խութավանքի վանքապատկան գիղ (Սիմէոն Զուղայեցի Կաթողիկոս, *Ջանք*. Գիրք Որ Կոչի Յիշարակարան Արձանացուցիչ, Հայելի և Պարունակող Բնակից Որպիտութեանց Սրբոյ Աթոռոյս, և Իւրոյ Շրջակայից Վանթրիցն, Վաղարշապատ, 1873, էջ 283): Գիղը յիշատակում է նաև կալուածագիր-սիկէներում (Դիան Հայ Վիճագրութեան, Պրակ V, *Արցախ*, կազմ.՝ Ս. Բարխուդարեան, Երևան, ՀՍՍՀ ԳԱ Հրատ., 1982, էջ 216): ԺԳ. դ. վերջերին գիղը հայաթափուել է: ԺԺ. դարից քրդաբնակների յորջործումով գիղանունը դարձել էր *Բենա*, Ի. դարակելից դառնալով թաթարաբնակ, յորջործուել է՝ *Քիլիսալու* (Е. Кондратенко, *Карта Елисаветпольской Губернии с Показанием Сельских Обществ и Распределения Населения по Вероисповедению* [Ե. Կոնդրատենկո, Ելիզաբետպոլի նահանգի քարտէզ. գիղական համայնքները և բնակչութեան տեղաբաշխումը ըստ դասակարգութեան, Թիֆլիս, 1888]). նաև՝ Մ. Բարխուտարեանց,

Արցախ, Բագու, 1895, էջ 404. Նաե՛լ Մ. Տեր-Մովսեսեան, «Հայկական Արձանագրութիւններ», Ազգագրական Հանդէս, Գիրք XXV.2, Թիֆլիս, 1913, էջ 79. Նաե՛լ Դիան Հայ Վիմագրութեան, Պրակ V, էջ 226. Նաե՛լ Ա. Յակոբեան, «Միսականի Կոտակ եւ Արցախի Հարաւային Միւս Գաւառների Տեղորոշումն Ըստ «Աշխարհացոյց»ի», Հանդէս Անտօրեան, ՃԻԲ:11-12, Վիեննա-Երեւան, 2008, էջ 109-110. Նաե՛լ Ա. Կարապետեան, Հայ Մշակոյթի Յուշարձանները Խորհրդային Արքրեջանին Բռնակցած Շրջաններում, Երեւան, ՀՀ ԳԱԱ «Գիտութիւն» Հրատ., 1999, էջ 72), որն իմաստային թարգմանութեամբ նշանակում է եղցատեղ (Ս. Սարգսեան, Արցախ. Պարմա-Աշխարհագրական Ճշգրտումներ, Երեւան, «Հայ եղիք», 1996, էջ 76): 1911ի ամռանը գիւղ այցելած Մեսրոպ Արք. Տեր-Մովսեսեանը վկայում է, որ անտաշ քարերով կառուցուած թաղածածկ եկեղեցին գտնուում էր կանգուն վիճակում (Մ. Տեր-Մովսեսեան, «Հայկական Արձանագրութիւններ», էջ 79. Նոյնի՛ Հայկական երեք Մեծ Վանքերի Տաթևի, Հաղարծնի եւ Դադի եկեղեցիները եւ Վանական Շինութիւնները, Երուսաղէմ, 1938, Տպ. Արքեպ Յակոբեանց, էջ 99): Եկեղեցին կանգուն է եղել նաեւ 1960 Օգոստոսին արձանագրութիւններ հաւաքելու նպատակով վիմագրագէտ Բարխուդարեանի ղեկավարութեամբ գիւղ այցելած գիտարշափ ժամանակ (Դիան Հայ Վիմագրութեան, Պրակ V, էջ 226): Քարվաճառի շրջանի ամենամեծ եւ գեղատեսիլ այս գիւղը 1993ի գարնանը ազատագրելուց յետոյ վերանանունել է Ապահէն («ԼՂՀ Վարչատարածքային Բաժանման Մասին» ԼՂՀ օրէնքում փոփոխութիւններ կատարելու մասին: <http://nkrccadastre.am/?p=189>) . 1993ի ամռանը հնավայր այցելած յուշարձանագէտ-պատմաբան Կարապետեանը գրում է. «Հակառակ գիւղի պարմական հարուստ անցեալին՝ այսօրեղ հայկական հեղքեր գրեթէ չեն պահպանուել» (Կարապետեան, էջ 72):

¹⁴ ՄՄ, ձեռ. Հ՞՞ 1626, 406բ. Նաե՛լ Հայերէն Ձեռագրերի ԺԷ. Դարի Յիշարակարաններ (1641-1660), Հլրք. Գ., կազմ.՝ Վ. Յակոբեան, Երեւան, ՀՍՍՀ ԳԱ Հրատ., 1984, էջ 489:

¹⁵ Հայերէն Ձեռագրերի ԺԷ. Դարի Յիշարակարաններ (1641-1660), Հլրք. Գ., էջ 601:

¹⁶ ՄՄ, ձեռ. Հ՞՞ 1626, 406ա-406բ. ՄՄ, Տիրայր վարդապետի արխիւ. թղթ. 120, վաւ. 1Ժ, էջ 917-918:

¹⁷ Համաձայն Մատենադարանում պահուող մի ցուցակի, ԺԷ. դարի երկրորդ կէսին Տաթևի վանքի իշխանութեան մէջ մտնում էր 14 գաւառ. «Գեղումձոր, Բաղարբերդ, Կարաաբերդ, Մաց, Աճանան, Դիլաբերդ, Մաղաջող, Բարկուշաբ, Չանկազոր, Քաշաթաղ, Չանկորո, Դարաղաղ, Վերի Ձոր եւ Միսիան» (Մալբեաղարանի Պարսկերէն Վանքագրերը, Պրակ II (1601-1650 թթ.), կազմ.՝ Յ. Փափագեան, Երեւան, ՀՍՍՌ ԳԱ Հրատ., 1959, էջ 46-7): Այդ 14 գաւառների մէջ ընդգրկուած էր 264 գիւղ (նոյն):

¹⁸ Մինաս Արեւլայ Բոտոսանցին մագաղաթեայ թղթի վրայ բոլորգրով «Աետարան»ը ընդօրինակել է Ծղուկ գաւառի Շաղատ գիւղից ուն Սիմէոնի պատուէրով: Մատենաը բաղկացած է 352 էջից: Գրիչը ձեռագիրն աւարտին է հասցրել 1657 Դեկտեմբերի 15ին (Վիեննայի Մխիթարեան Միաբանութեան գրադարան, ձեռ. № 893, 335բ): Ձեռագիրն ինչ-ինչ ճանապարհով յետագայում հասել է Կարին (Էրզրում): Այն այժմ գտնուում է Վիեննայի Մխիթարեան Միաբանութեան գրադարանի հայերէն ձեռագրերի հաւաքածոյի մէջ եւ պահուում է 893 համարի ներքոյ: Մատենաը Վիեննայի Մխիթարեան Միաբանութեան է նուիրել Հայր Օ. Ամրիկ-

եանը՝ 1911ին, Կարինից՝ Գերապատի Գրիգոր Վրդ. Գովրիկեան Արքահոր քահանայութեան ինձամնայ եւ Վիեննայում Մխիթարեան Միաբանութեան հաստատման հարկիւրամնայ յոբելեանների աղթի (Մխիթարեան Միաբանութեան Գրադարան, ձեռ. № 893, 3ա): «Աւետարան»ի նկարագրութեան մէջ Մովսէս Երէցի մանրանկարչութեան արուեստի մասին Հայր Համազասպ Ոսկեանը գրում է. «Չարդագիրք՝ սիրուն: Խորանք՝ գոյնզգոյն, յա: Լուսանցազարդք՝ շար, գոյնզգոյն եւ քաակն յաջող: Նկարք՝ Մարթէոս, Յովհաննէս, քաակն յաջող, քայց գունաթափ» (Յուցակ Հայերէն Ձեռագրաց Մխիթարեան Մարտնադարանին Ի Վիեննա, Հրդ. Բ., կազմ.՝ Հ. Համազասպ Ոսկեան, Վիեննա, Մխիթարեան Տպարան, 1963, էջ 475): Մատենի անտարանիչների եւ իշխատակարանի էջերի պատճենները սիրով մեզ է ուղարկել Վիեննայի Մխիթարեան Միաբանութեան Արքահայր Հայր Պօղոս Ծ. Վրդ. Գունանեանը, որին յայտնում ենք մեր խորին շնորհակալութիւնը:

¹⁹ Վիեննայի Մխիթարեան Միաբանութեան Գրադարան, ձեռ. Հ⁴ 893, 4ա. նաեւ՝ Յուցակ Հայերէն Ձեռագրաց Մխիթարեան Մարտնադարանին Ի Վիեննա, Հրդ. Բ., էջ 477. նաեւ՝ Հայերէն Ձեռագրերի ԺԷ. Դարի Յիշատակարաններ (1641-1660), Հրդ. Գ., էջ 755:

²⁰ Հայր Ղեւոնդ Ալիշան, Սիսական. Տեղագրութիւն Սինեաց Աշխարհի, Վենետիկ, Ս. Ղազար, 1893, էջ 262:

²¹ Առթըն (Սաւոր) եղել է Սինեաց նահանգի գաւառներից. գտնուում էր Սեանայ լճի արեւելեան մասում եւ Տրուսի վերնահովտում (Ս. Երեմեան, Հայաստանը Ըստ «Աշխարհացոյց»ի, (Փոքո՞ VII Դարի Հայկական Քարտեզի Վերակազմութեան Ժամանակակից Քարտեզագրական Հիմքի Վրայ), Երեւան, ՀՍՍՌ ԳԱ Հրատ., 1963, էջ 109, 117): Գաւառակենտրոնն էր Սեանայ լճի հարաւարեւելեան ուղղութեամբ. Արցախի եւ լճի աւազան ջրաժան բարձունքներում, Դուին-Պարտա ճանապարհի գլխաւոր հանգրուանում գտնուող Առթըն գիւղաքաղաքը (այժմ՝ Գ. Առթըն): Խաչէնի տէր Սահլ Ամբատեանի իշխանութեան վերջին տարիներին (820-30ականների սկզբներ), Առթընի տարածքը միացուել է վերջինիս իշխանութեան մէջ գտնուող Սիսականի Ոստան կամ Սիսականի Կոտակ. յետագայում Ծար անունը ստացած գաւառին եւ ընկալուել է իբրեւ մէկ ամբողջութիւն: Ըստ Վարդան Արեւելցու՝ «Առթընց գաւառն Ծարայ երկիրն է» (Աշխարհացոյց Վարդանայ Վարդապետի, քննական հրատ.՝ Հ. Պէրպէրեան, համեմատութեամբ 24 ձեռագրի եւ տպագրի, Փարիզ 1960, էջ 12): Դրանից յետոյ Տրուսի վերնահովիտը սկսում է կոչուել ոչ միայն Ծար եւ Վերին Խաչէն, այլ նաեւ Փոքր Սինիք (Ս. Ամբատեանց, Տեղագիր Գեղարքունի Ծովագրոր Գաւառի, Որ Այժմ Լոր-Քալազիւր Գաւառ, Վաղարշապատ, Տպ. Մայր Արտոյ Ս. Էջմիածնի, 1895, էջ 593. նաեւ՝ Ս. Բարխուդարեան, «Արցախի, Շաքիի եւ Փառխոսի Իշխանութիւնները IX-X դդ.», Պարմաքանասիրական Հանդէս, 1971:1, էջ 72. նաեւ՝ Մարգսեան, էջ 30-41. նաեւ՝ Յակոբեան, «Սիսականի Կոտակ եւ Արցախի Հարաւային», էջ 116. նաեւ նոյնի՝ «Պատմա-Աշխարհագրական եւ Վիճագրագիտական», էջ 266-74): Ծար գաւառի Թաղէի վանքի միաբան Յովհաննիսիկ Ծարեցին իր ուսուցչի՝ Յովհաննէս Ծարեցու մահուան աղիթով գրում է. «Ի սոյն (1583) թոականի եղև վահճանք մեծ եւ երանաշնորի վարդապետի մերոյ Յոհաննիսի: եւ զի էր նա ի յերկրէն Ծարայ, Փոքր Սինիս կոչեցելոյ, ի վանիցն Թաղէի Սուրբ յԼաւրելոյն...» (Մանր Ժամանակագրութիւններ XIII-XVIII դդ., Հրդ. Բ., կազմ.՝ Վ. Յակոբեան, Երեւան, ՀՍՍՌ ԳԱ Հրատ., 1956, էջ 244):

Այնուհետև մինչև ԺԳ. դարը Սոթքը պատկանել է Ծարում իշխող Սահլ Ամբաստանի տոհմաճիւղին, ԺԳ.-ԺԶ. դարերին՝ Դուփեաններին, ԺԶ.-ԺԸ. դարձերին՝ Մելիք-Ճահնագարեաններին: Խորհրդային իշխանութեան տարիներին, երբ պատմական Ծար կամ Վերին Խաչէն գաւառը բռնակցուց Աղրեջանի Հանրապետութեանը, 1930 Օգոստոսի 8ին կազմաորում է *Քեայրաջար* (Քարվաճառ հայաթափ գիւղի անունով) վարչական շրջանը: Աղրեջանական տիրապետութեանից շրջանն ազատագրուել է 1993ի գարնանը: Ապրիլի 3ին ազատագրուել է վարչական կենտրոն Քարվաճառը (Սարգսեան, էջ 73. նաեւ՝ Կարապետեան, էջ 13):

²² Ամբաստանց, էջ 625:

²³ Երեմիայի աազանի անունը եղել է Եղկար, ուխտազնացութեանից յետոյ կնքուել էր հինկտակարանեան չորս մեծ մարգարէներից մէկի անունով (*Հայերէն Ձեռագրերի ԺԷ Դարի Յիշարակարաններ (1641-1660)*, Հրր. Գ, էջ 262):

²⁴ *Յուցակ Ձեռագրաց Մաշտոցի Անուան Մարենադարանի*, Հրր. Բ, կազմ.՝ Օ. Եգանեան, Ա. Զէյթունեան, Փ. Անթաթեան, Խմբ.՝ Լ. Խաչիկեան, Ա. Մնացականեան, Երեան, ՀՍՍՀ ԳԱ Հրատ., 1970, էջ 680:

²⁵ Նշենք, որ յիշատակարանն առաջին անգամ հրատարակող Յակոբեանի մօտ թիւրիմացաբար բաց է թողնուած տոյն տողը, իսկ դրա փոխարէն կրկնուած է «Եւ ի յերկիրըն Ծարայի» տողը (*Հայերէն Ձեռագրերի ԺԷ. Դարի Յիշարակարաններ (1641-1660)*, Հրր. Գ., էջ 261):

²⁶ Հայկական աղբիւրներում իշխանանիստ Սոթքը յիշատակում է որպէս քաղաքագիւղ, գիւղաքաղաք, աւան, նոյնիսկ մայրաքաղաք (Թ. Յակոբեան, Ստ. Մելիք-Բախշեան, Յ. Բարսեղեան, *Հայաստանի Եւ Յարակից Շրջանների Տեղանունների Բառարան*, Հրր. 2, Երեան, ԵՊՀ Հրատ., 1988, էջ 313):

²⁷ ՄՄ, ձեռ. Հ^Պ 8135, 321բ: Հմմտ.՝ *Հայերէն Ձեռագրերի ԺԷ. Դարի Յիշարակարաններ (1641-1660)*, Հրր. Գ., էջ 261:

²⁸ *Յուցակ Ձեռագրաց Մաշտոցի Անուան Մարենադարանի*, Հրր. Ա., կազմ.՝ Օ. Եգանեան, Ա. Զէյթունեան, Փ. Անթաթեան, Խմբ.՝ Լ. Խաչիկեան, Ա. Մնացականեան, Երեան, ՀՍՍՀ ԳԱ Հրատ., 1965, էջ 595:

²⁹ ՄՄ, ձեռ. Հ^Պ 1626, 406ա-406բ: Հմմտ.՝ *Հայերէն Ձեռագրերի ԺԷ. Դարի Յիշարակարաններ (1641-1660)*, Հրր. Գ., էջ 488-9. նաեւ՝ *Մայր Յուցակ Հայերէն Ձեռագրաց Մաշտոցի Անուան Մարենադարանի*, Հրր. Ե., կազմ.՝ Օ. Եգանեան, Երեան, «Նայիրի» Հրատ., ԵՊՀ Հրատ., 2009, էջ 682:

³⁰ ՄՄ, ձեռ. Հ^Պ 1626, 406բ., նաեւ՝ *Հայերէն Ձեռագրերի ԺԷ. Դարի Յիշարակարաններ (1641-1660)*, Հրր. Գ., էջ 489:

³¹ Նոյն:

³² Նոյն:

³³ Նոյն, 2բ. նաեւ՝ Ա. Գէորգեան, *Հայ Մանրանկարիչներ. Մարենագիւրութիւն. IX-XIX դդ.*, Գահիրէ, 1998, էջ 450. նաեւ՝ Մ. Յարութիւնեան, *Մշակութային Կեանքն Արցախում 1639-1736 թթ.*, Երեան, ՀՀ ԳԱԱ Պատմութեան Ինստիտուտ, 2018, էջ 115-6:

³⁴ *Յուցակ Ձեռագրաց Մաշտոցի Անուան Մարենադարանի*, Հրր. Ա., էջ 1056:

³⁵ ՄՄ, ձեռ. Հ^Պ 3647:

³⁶ Նոյն. նաեւ՝ Գէորգեան, էջ 450:

³⁷ ՄՄ, ձեռ. Հ^Պ 3647, 342բ. նաեւ՝ Գէորգեան, էջ 450:

³⁸ Ձեռագրի գրչութեան վայրը նշուած չէ: Հաւանաբար այն գրուել է Տաթևի վանքում:

³⁹ *Ցուցակ Ձեռագրաց Մաշտոցի Անուան Մատենադարանի*, Հւրր. Բ., էջ 272:

⁴⁰ ՄՄ, ձեռ. Հ⁴⁰ 6220, 1ա, 1բ, 2ա, 202ա, 264ա. նաեւ՝ Գեորգեան, էջ 451:

⁴¹ ՄՄ, ձեռ. Հ⁴⁰ 6220, 1բ. նաեւ՝ Գեորգեան, էջ 451:

⁴² Ձեռագրի գրչութեան վայրը նշուած չէ:

⁴³ Մատենադարան, ձեռ. Հ⁴⁰ 7495, 9ա, 126բ, 194ա, 205բ, 263բ, 265բ, 273բ. նաեւ Գեորգեան, էջ 617:

⁴⁴ Մատենադարան, ձեռ. Հ⁴⁰ 7495, 17ա, 130ա, տե՛ս նաեւ Գեորգեան, էջ 617:

⁴⁵ Թ. Յակոբեան, Ստ. Մելիք-Բախշեան, Յ. Բարսեղեան, *Հայաստանի եւ Յարակից Շրջանների Տեղանունների Բառարան*, Հւրր. 5, Երեւան, ԵՊՀ Հրատ., 2001, էջ 32:

⁴⁶ *Հայերէն Ձեռագրերի Ժէ. Դարի Յիշարակարաններ (1601-1620 թթ.)*, Հւրր. Ա., կազմ.՝ Վ. Յակոբեան, Ա. Յովհաննիսեան, Երեւան, ՀՍՍՀ ԳԱ Հրատ., 1974, էջ 654:

THE MANUSCRIPT/SCRIPTURAL LEGACY OF MOVSES YERETS KORISETSI IN THE
17TH CENTURY
(Summary)

GEVORG STEPANYAN
sasun-07@mail.ru

The educational and cultural revival initiated by Movses Datevatsi in the monastery of Harants or Suniats Medz Anabad spilled over into the region as of the early 17th century, particularly in the art of manuscripts. One of the areas influenced by this wave was Korayk-Koris, which was located in the valley of Tsaketsoor. Indeed, the art of manuscripts developed to such an extent from the 1720s to 1770 that Koris-Korayk became a unique center renowned for its illuminators and scribes.

The article focuses on one of the most talented illuminators and scribes of Korayk-Koris, Movses Yerets Korisetsi. The author examines the books Movses Yerets copied and illuminated, describes and evaluates them and constructs his biography and life, putting together the very scant information that Movses Yerets had noted on the margins of his copied books and their colophons.